



Nuuk, oktoberip 17-t 2017.

UKA 2017/127

## **Naalakkersuisut kingusinnerpaamik UKA 2018-mut ileqqussaasunik siunnersuisooqatigiinnik pilersitsinissamut siunnersuusioqqullugu Inatsisartut aalajangiiffigisassaattut siunnersuut.**

(Inatsisartunut ilaasortaq Bendt B. Kristiansen, Inuit Ataqatigiit)

Partii Naleqqamiit siunnersuuteqartoq qutsavigissuarput imatullu oqaaseqarficalugu - 2000-tikkut aallartilarnerani nammineq ileqqorissaarnissamut isumalioqatigiissitamik siunnersuuteqarnikuuvunga, ajoraluwartumillu taamani piffissaasimanngimmat ilalerneqarsimannilaq. Nunarpassuit qissimikkaanni kikkut tamat oqartussaanerannik pingaartitsisut, taakkunani naliginnaavoq aamma ileqqorissaarnissamik isumalioqatigiissitaqaneq. Tamanna sorpassuarnut isummersornermi atorneqarluarsinnaavoq, soorlu inuup sananeqaataanut allannguiniarnermi, napparsimalluni peruluttoq katsorseqarsinnaajunnaarnikup ikiorlugu inuunera kipitinneqarsinnaanersoq. Allarpassuarnullu peqqinissaqarfimmuunnaanngitsoq tunngasunik naliginnaasumik isiginnittariaaseqarnitsinnik "sajup-pillannarsinnaasumik" allannguisoqalissangaluarerani immikkut ilisimasalittut innersuussisartutut. Nunani avannarlerni atorneqarluartarput aammalu ineriartornermut naapertuunnersoq oqimalutaa-sarnermi iluaquataalluartartuni imaluunniit inuiaqatigiinni oqallinnermi nalilersuinermillu oqallin-nermik tunngaviliisartunik. Tassani inuttut ataasiakkaatut inuiaqatigiittullu ileqqorissaarnissaq aama/imaluunniit pissuserissaarnissaq pineqartarpoq, qulequttallu assigiinngitsorpassuit sammine-qartarlutik, soorlu assersuutitut:

- Qulaani taariikkatsituut pinngortitamiit inuup uumasullu sananeqaataanut allannguiniarnerit - genteknologi
- Bioteknologi
- Pinngortitaq
- Avatangiisit – mingutitsineq
- Naartuumik peersitsiniarnermi killissarititaasup inissinnerani
- Kinguaassiornermi nutaaliорnerit pinngortitap namminerisaminik killiliisarneranik nikisitsineq
- Peqqinissaqarnermi nutaaliорnerit inuttut inuiattulluunniit isiginnittariaaseqarnitsinnut kallua-sinnaasut
- II. II. Tassani aamma inuiattut kulturikkut immikkullarissuseqarnerput tunngavigalugu sam-misaasinnaasut allat



partii naleraq

Taamaattumik siunnersuuteqareersimasutuut tupinnanngitsumik siunnersummik taamaattumik qa-qitseqqittoqarnera tapaserneqaaq. Pisariaqarmammi. Tungitsinniillu neriuinnassuugut aamma amerlanerussuteqartunik tapaserneqarluni siunnersuut akuerineqarumaartoq.

Taama oqaaseqarluta siunnersuut tamakkiisumik tapaserparput aappassaaneerneqannginnermilu ataatsimiititaliamut innersuullugu.

Qujanaq

Per Rosing-Petersen